

8SH-1  
V27

# BLERIM NËNDORI

(POEMË)

JARFI

ANDRE

891983-1

✓ 27

ANDREA VARFI

5

# BLERIM NËNDORI

(POEMË SIMFONIKE)

~~38370~~  
~~14495~~  
BIBLIOTEKA E SHTETIT  
GJOKAS FER

SHËNIM: LIBRARI I PËRSHËN MË 1983 - 1984

SHTËPIA BOTONJËSE «NAIM FRASHËRI»

Redaktor: Halil Qendro  
Korektor letrar: Enver Fico  
Kopertina: Dolli Gjinali  
Redaktor teknik: Adem Lita

Tirazhi 2000 kopje Format 70x100/32 Stash: 2204-65

---

Shtyp N.I.Sh. Shtypshkronjave «Mihal Duri» — Tiranë 1966

## P R E L U D

Me ballin lart,  
sy-ushtë e veshë-mprehtë,  
çaj terrin,  
natën,  
thërmoj retë,  
shtërgatat tret;  
dhe Kohës vetë,  
e Djellit-at e rreze-nxehtë,  
e Tokës-nënë gjire-jetë,  
u flas krenar  
si shqipëtar:  
— Për të rrëfyer ç'jemi  
e ç'qemë,  
ne bijt e lisit ilirik,  
s'kërkoj as sonda,  
as palombarë  
të xhvat thellsish ndonjë relik  
të kushdi  
ç'rodi më antik,  
(mbytur në ndryshk e leshterik).  
Dhe me trumbeta  
e me gërneta,  
e zurna  
e tambura,  
ta shpall

«të parin ndër të parë!»

S'më duhet as të mbreh kularë,  
edhe me qafë  
e gjuhë zvarrë,  
të shuhem brazdash,  
të hap tumba  
dhe t'i rëmoj kushdi kujt varrë;  
as të nxjerr kushdi  
seç tokzë  
apo tarokzë,  
si letër-të-njoftimit të Shqiprisë  
në lashtësitë e historisë së njerëzisë.

Ngado që unë të vërtitem:  
eterit lart  
si qift t'i ngjitem,  
n'humnerë e det  
thellë të zhytem,  
kudo,  
ngado  
që t'i shtrij sytë:  
në malet-flamuj t'Arbërisë,  
që s'njohën ndragën e poshtërsisë  
(edhe në kulm të varfërisë)  
më shkrepin gjerdanë yjesh,  
e ndrisin grykash,  
pyjesh,  
dhe varg po më rrëfehen,  
me bardë malësorësh,  
(e jo poetë oborrësh),  
edhe shkëmbënjk e gurë  
e ndënëdheu furrë,  
e qiell,  
yje,  
e detë,

me Mëmëdheun vetë...  
Ndaj shoh kudo të ravizuar,  
ndjej duke ushëtuar,  
mbi dallgët  
helm,  
gjak  
e maraz,  
si zulmë shekujsh brengë-e-gaz,  
varganit shkulmë-shkumbë t'hisorisë.  
një simfoni,  
kënduar shqiptarisht  
lirisë!

## KOHA E PARË

### Jehona legjendash

Të shoh  
o mëma jonë, djellorja Shqipëri:  
këtu stërlashtit;  
këtu sot:  
fëmi-kërthi,  
e vashë vetullhënë,  
nuse nerajdhë  
edhe amvisë amvone;  
blegtore bletë,  
bujke bujare e bujëtare;  
ndër sheshe e shtigje  
shigjetë ushtëtare.  
E punës,  
paqes,  
zemrës dhe lirisë,  
rojtare;  
përherë e larë, e lartë,  
e lashtë edhe e re!  
Nuk pate ti  
shumë herë as bukën  
me shëllirë,  
po dora nuk t'u nde,  
as si lysare,

a zuskë lapërdhjare,  
o bijë e vashë e motër,  
o nëna shqipëtare!  
Ja vale e hone e gryka,  
si gjithmonë,  
të moçmet muzgje murmurojnë:  
Veshët i ngreh,  
e nga Bregdeti,  
vështrim e krye hedh në kreshtë,  
në kreshtën e Korabit krismëtarë.  
E flladi i freskët  
në gjethe vgjeri e breshte,  
si dushqeve Dodonës e Tomorrit.  
më shushurin  
të thëna të stërlashta  
e legjendare:  
«Nuk është shëmbër e lëshuar,  
te kjo trevë, te ky truall,  
Shqipria,  
shqipja juaj,  
shqiptaria,  
më ngjan se shushurin sot shushurima  
sepse stërgjyshët tuaj  
këtu kërbaç s'i suall.  
Në janë vazhdë  
pellazgë,  
trakë,  
ilirë,  
këtu le të lëvrojnë lëvrimtarët.  
Për ne mjafton  
që bij lisash të lirë  
përherë malesh kemi qenë...  
dhe jetë e vdekje kemi dëshmitarë.

«Bardha, bareshë,  
një bijë e Dheut, Orë.

me Yllin, një bir Djellit,  
u ngjiz stërgjyshve tuaj jetë.  
«Të Mirët» qenë krushq  
dhe Gjigantët dasmorë  
dhe lajmëse shqiponja e qiellit,  
shqiponja shikim-mprehtë.  
Në pyjet, në djep degësh me fletë,  
e gjethë dushku,  
më ngjan se shushurin sot shushurima,  
e ëma, Orebardha,  
(helenët vonë e qojtën Galatea),  
Bardhyllin rriti.  
Ky shpejt na hodhi shtat,  
edhe përpjetë  
harboi si një lis me krahë e fletë.  
Si qomyrtar nuk pati shok në jetë.  
Prej tij buizën mbroth  
bisqe brez pas brezi,  
bujarë bujq  
dhe barinj suferinash.  
Kudo kërciste,  
tok me kërcim e këngë,  
i çiltër një çekan,  
çekani çikë e flakë i kudhrës,  
çekani i dlrë i punës.  
Ahore ende nuk ndjehej ankthi i dhunës:  
aroma e bukës,  
mbrujtur magjesh gjakut!  
O bisqe dhe biskaja t'arbërisë,  
prej tyre rriddhni ju,  
n'aradhe të përjetësisë.  
blerim edhe në shkrepëtima  
më ngjan se shushurin sot shushurina».

## Tabllo ilire

Në bjeshkë, brinja e brigje,  
djersitur nga lërimi,  
flладитур te burimi.  
ashtu si Orëbardha,  
billonjat nuse —  
nënëzat ilire,  
po mëndin foshnjëzat e tyre,  
Me ninulla të brishta  
ato u terin lotët;  
dhe foshnjëzat pas mëkimit,  
gumzhijnë posa bletë e plotë.  
... Dhe mbroth mbuluan  
luadhe, lugje  
e brigje detesh.  
Në brazda djerse  
jetesës amzën ja zbuluan!  
Me ç'parfum pishash,  
pjergullash,  
e prej ç'kullotash e luadhesh,  
nga tufa gjedhesh,  
dhënhsh lesh-kunadhesh,  
prej ç'rrëzë brigjesh e shullëresh,  
hej! ç'gjalpë e djathë,  
e ç'vaj e verë qehlibar,  
q'e ndezin syrin ziliqar,  
me çfarë anijesh kapedane:  
heshtat stërkala liburniane,  
nga skelat tonë.  
buzë-detesh,  
kudo  
qendisur. prej qytetesh,  
qytetesh tonë:  
iliriane,